

KYRKJEBLADE

FOR VAKSDAL PRESTEGJELD

Nr. 2

MARS 1983

37. årgang


LJOS YVER GRAV


Då me var i Austrheim, budde me nær kyrkjegården. Der var det fredeleg og fint å gå, ikkje minst ved soloppgang og solnedgang. Då kunne eg få oppleva stemningar som kunne minna sterkt om påskesalmen "Ljos over grav": PErS.



Ljos yver grav
som oss livsvoni gav
rann med Guds Son ifrå daude.
Solrenning klår
som den venaste vår
steig yver gravstader aude.
Ljoset og livet for alle mann
strålende upp med vår Frelsar rann.

Engelen kvad
yver daudstille stad:
Krist er med siger uppstaden!
Sigrande vel
yver ormen frå hel
bøtte han brotet og skaden.
Syndi er sona og såret grødt,
livet av daude er etterfødt.





Menneskeson,
du til livande von
ved di uppreising oss fødde!



Liv gjennom grav
ved din daude du gav
då fyre brøder du blødde.
Alle som livande på deg tru,
døyande skal i ditt ljos få bu.

Ljos yver grav
fall som solskin på hav
når me frå verdi skal fara!
Lys oss i land
til den livsæle strand,
fram til det liv som skal vara,
so me ved ljoset frå påskedag
sæle kan liva i englelag!
Elias Blix.



Lovsong

Å eiga Guds nåde, kor underbart stort,
kor underbart herleg det er.
Å kjenna seg elska og verna om her
av Jesus som har meg so kjær.

Å koma til Jesus kvar dag som går
med alle mine syndesår.
Få kjenna han reinsar meg med sitt blod,
han kraft har i overflod.

Nei aldri eg angra eg døra let opp,
når Frelsaren banka på.
Han tala til meg med si kjærlege røyst:
"Barn kvi vil du frå meg gå?"

Eg døydde for deg på Golgata
eg blodet mitt der for deg gav.
So du skulle gå fri og til evig tid
ersta løyst og glad!

No lever eg dagleg i nåden frå han,
det dyre Guds offerlam.
Eg ser opp mot himlen og ventar på
at Jesus eg snart får sjå.

Borghild Faugstad, Dale,
døydde 25.2. Ho let etter seg ei handskriven songbok.

Om fleire av songane i boka skriv ho at "Det er sanger som Gud har gitt meg på en underfull måte."

Ho vakna gjerne om natta, og song inn tekst og tone på lydband når ho fekk ein ny song, og skreiv ned songen etter lydbandet seinare.

I gravferda vart denne songen lesen ved båra hennar.

Kyrkjebjubileet på Vaksdal

På sjølvे jubileumsdagen vert det skule- og familiégudstenesta kl. 9.30. Fredag 8. vert det ungdomskveld ved ungdomskora og fengselsprest Kjell Grønner.

Laurdag 9. vert det kyrkjelyddsday med årsmøte for kyrkjelyden, samtale om arbeidet i kyrkjelyden og kyrkjekaffi i konfirmanstrommet kl. 10-13.

Sundag 10. april er det jubileumsgudstenesta v. prost Østtvit, kyrkjekoret og prestane.

Til festsamkoma på bedhuset er 20-30 gjester innbedne. Til resten av plassane, ca 130, kan alle som vil få utdelt billettar, så langt dei rekk, føreåt, eller etter gudstenesta, om det er billettar att då. Billettar kan tingast på prestekontoret.

Programmet for jubileumskonsernen vert kunn gjort seinare.

Retting

Biletteksten s.14 i nr 1 skulle vera: Desse to fireåringane frå Eidsland fekk "Mi kyrkjebok" i haust!

(Utklipp fra et menighetsblad, sendt til sykeleiet.) A. Kaastad.

Ei støvsky kjem brått farande ut av den grå massen av Saharastøy som slettar ut grensene mellom himmel og jord i det fjerne. Skya som kjem mot oss, vert lettare og tetnar fleire gonger, som ein lang slange kjem ho ålande. Det er dei! Sju lastebilar passerer oss. Støvet trengjer seg inn gjennom nase og munn og riv og slit i hals og lunger. Men vi bryr oss ikkje. Tørketida i Sør-Sudan er slik, og vi er mykje meir opptekne av lasset enn av støvet.

Maten kjem fram

Inntrykk frå Kirkens Nödhjelps katastrofeinnsats blant Ugandaflyktninger i Sør-Sudan

Tekst og foto: Rigmor Garnes Rødset

Vi kjenner nemleg desse bilane. Vi har vore saman med dei tidligare i dag. Tidlig på morgonen gjekk vi inn på gardsplassen til høgkommisären for flyktningar (UNHCR) i Juba. Der stod mange av dei opplesste, og då vi litt seinare tok ein sving ned til eit av dei store lagerhusa like ved Nilen, fekk vi sjå to bilar som stod der og lesste kornsekker. Den eine tilhørde UNHCR, og den andre var Kirkens Nödhjelp sin. Desse to bilane var eit godt bilet på den aksjonen vi no er midt oppi. Her arbeider nemlig KN og UNHCR side ved side, og aksjonen gjeld mat til flyktningeleirane i Sør-Sudan.

Det er i prinsippet UNHCR som er ansvarleg for desse leirane, men andre SN-einingar og friviljuge organisasjoner er med og yter hjelpe på ulike felt.

KN har ikkje vore mellom dei som skulle stå for matforsyninga her, men då UNHCR ein av dei første dagane i januar oppdaga at dei ikkje ville få fram noko gjennom dei vanlege kanalane, vende dei seg til KN og bad om hjelpe.

KN har det største prosjektet sitt, Sudan-programmet, i dette området, og det var til leiinga i Sudan-



programmet UNHCR vende seg. Saka vart send over til Noreg, og det tok ikkje ei veka før vi hadde svaret: KN sette av 1 mill. kroner til aksjonen.

Så var det å få tak i kornet. Dei siste tre åra har Sør-Sudan vore meir og mindre ramma av tørke og insekt som har øydelagt store deler av avlinga.

Dei har ikkje klart å produsere nok mat til seg sjølve og har fått tilskot frå nord. KN har vore engasjert med nødhjelpe.

Slik situasjonen var no, måtte ein prøve å få kontakt med nokon som alt hadde korn på lager i Juba. KN sine folk sette seg i sving, og etter få dagar var handelen i hamn. No skulle UNHCR administrere utkjøringa. Den konvoien som nett passerte oss var lasta med 1324 sekker, og ein kontrollør var med og såg til at kvar einaste sekke kom dit han skulle. Sju ulike leiarar med til saman litt over 30.000 menneske skulle ha mat.

Å stå i leiren når ein bil med mat kjører inn, er som å vere med på ein stor folkefest. Plassen, som berre ein augneblink før var nesten tom, er brått full av folk. Dei aular fram frå hyttene frå alle kantar. Barna jublar og kan nesten ikkje ta augene frå den store nifse doningen som kjem, og dei vaksne skjener på dei som kjem i vegen.

Etter ein del manøvrering er bilen på plass framfor lageret, og avleissinga kan ta til. Det tek litt tid før sjauarane er samde om korleis dei skal organisere det, men når dei først kjem i gang, går det radig.

Folket står oppstilt på sidene for å sjå på. Ein og annan er framme og sopar opp korn som renn ut av sekkena.

Vi går litt ut og inn mellom folket for å prøve å få eit bilet av korleis

situasjonen er. Overalt har det vore lite mat. Det har vore jul sidan siste utkjøring, og no var vi helst litt seinare enn først planlagt. Men folket er i brukbar form. Og dei er tende på å setje i gang med dyrking så snart tida er der. I fjor kom dei akkurat på den tida frøet skulle i jorda. Då hadde dei nok med å få ly for veret. Rett nok greidde mange å så litt før den andre regntida, men det var på langt nær nok til å brødfø familien. Og ettersom flyktningane er fleire enn dei som budde i området frå før, er det ikkje mogleg å få nok mat på staden. Det er derfor dei må ha tilskot no. Etter neste haust er det målet at dei skal kunne klare seg sjølve. Og når vi ser utover jordstykka med kassavaplantar rundt kvar einaste rund jordhytte, ser vi tydeleg at pågangsmot er her iallfall.

I Opari 3 hadde det nyleg kome mange nye flyktningar. Og her var nok situasjonen vanskelegast. Vi la særleg merke til eit lite barn. Vi gjekk med heim til hytta. Ved siden av døra var det ein opphøgd firkant. Det var grava til mora. Denne vesle vi møtte, var den minste av fem søskene. Sjølv om ho fekk næringsrik graut laga av ei blanding av mjøl, mjølkepulver og solsikkefrø, vil ho nok gå ei vanskeleg tid i møte. Det er tidkrevjande å få nok mat i slike små.

Men kornlassa vi kom med i dag, gir nok ei von om betre tider både for vaksne og barn i leiren. No er her iallfall nok mat.

Mobbing

Ein av dei største ekspertane på mobbe-problemet, professor Dan Olweus, har gjennom sitt arbeid kunna fjerne fleire innarbeidde mytar om mobbing. Det er ikkje slik mange har trudd, at mobbing er mest utbreidd i store skular i byane. Heller ikkje er det slik at det er dei skuleveike, skuletaparane, som blir mest utsatt for mobbing. Tvert om, det ser ut til at mobbing er like vanleg på små skular som store, og like vanleg på landsbygda som i byane. Eit re-

sultat som burde gi grunn til uro, er at det ser ut til å vere born frå harmoniske heimar med mykje nærliek og mykje varme som lettast blir «hakkekyllingar» i skulegarden. Akkurat den typen heimar som alle meiner det er ideelt for born å vekse opp i, ser altså ut til å gi borna større problem utanfor heimen. Berre eit samspel mellom heim, skule og fritidsmiljø kan vere med på å løse slike problem, og føresetnaden må heile tida vere at det er offera vi vil hjelpe, det

er «hakkinga» vi vil til livs. Diverre har vi dei seinare åra sett mange svært alvorlege utslag som langvarig mobbing kan gi. Born og ungdom har i rein desperation prøvd å ta sitt eige liv, og det har vore mange tilfelte av varige psykiske skadar som følgje av hakking i skulegarden ikkje viser seg før mang år etterpå. Difor er det all grunn til å ta heile mobbe-problemet alvorleg.

Sunnmørsposten

«Eseltanker»

Man må vel være et esel for å tenke slik, men jeg synes jeg fremdeles ser ham ri på eselet sitt.

Han har ridd gjennom ganske mange århunder allerede. Forbi fattige stuer og fyrstepalasser, gjennom skoger og travle gater. Det er nok ikke så mye mer han kan se, tenker jeg, av alt som finnes. Han har vel sett det aller meste utfolde seg av menneskelig forfengelighet, narraktighet og ondskap der han har ridd forbi.

Han har sett knyttede hender og palmeblader, hørt både jubelrop og trusler.

Likevel rir han videre. Han lar seg ikke stanse. Han rir like inn i vår tidsalder på sitt håpløst gammeldagse esel.

Han rir som på trass. Han sitter der, så enkel og ubeskyttet på eselet som om han var vårt aller siste håp om liv og fremtid på denne hårde klode. De som kommer ham aller nærmest vil kanskje se at han smiler. Men for de aller fleste er han nok bare en blek erindring om en uskyld og en barnedrøm de for lengst har forlatt.

Nå rir han rett inn i terrorbalansen, på sitt yngelige kjørerøy foran kanonmunninger, forbi rakettbasen, like under bombeflyenes skinnende buk. Han rir

EYVIND
SKEIE



i demonstrasjonstogene, inn i komiteene og opp på talerstolene.

De som ser ham danner en hemmelig søskenkjede som løfter palmeblad mot hverandre og hvisker til hverandre om en fred som overgår all forstand.

Han rir ut i storbyen, ut i trafikken på rødt lys, ned på kaiene, under broene, men også inn på menighetsfestene og i kirkene. Overalt hvor menneskene strekker hendene ut mot ham, gir de dem også til hverandre, synger om den store freden med trass eller tro eller fortvilelse i sine ansikter.

Både i Øst og Vest rir han. Han rir også til de

mektige, de som holder verdens skjebne i sine hender. Men det er hos vanlige folk han kjenner seg mest hjemme. Da stanser han av og til, klapper et barns hode eller stryker et gammelt kinn.

Det er alle menneskers gamle drøm om jorden som bærer ham, alle deres uoppfylte ønsker om fred, all deres fortvilte lengsel etter å få leve et rolig liv uten frykt og angst for fremtiden.

Han er altfor ydmyk til å be om taletid eller tilslutting. Likevel vet han at toget av dem som følger ham må bli stort og vil bli stort. For uten håp og lengsel kan jorden ikke bestå.

Kanskje må man være et esel for å tenke slik. Det er godt at esler finnes.

VÅRT LAND

til hverdags



ebøkene

AVLIDNE



DALE
Borghild Andrea Rønhovde f. 1910
Samueline Fosmark f. 1898
Maria Haugland f. 1895
Borghild Faugstad f. 1914
John Brudvik f. 1900
Sverre Hestad f. 1914
Andreas Fosmark f. 1909

NESHEIM

Anna Bergo f. 1888

STAMNES

Lars Vik f. 1891
Andreas K. Straume f. 1897

VAKSDAL

21.2. Johannes Herfindal, f. 1907.
14.3. Martha A. Eriksen, f. 1899.

Vaksdal sokneråd i jubileumsåret



Albert Tolås (er og kyrkjetenar), Gudrun Boge Karlsen, nestformann, Nils Helle, kasserar, Inger Farestveit, skriver, Olaug Boge, Per Einar Sønnesyn, og Olav Steinsbø, formann.

VELKOMEN TIL KYRKJE

Mars.

31.-SKIRTORSdag

DALE kl. 11.00. R.k. Sønnesyn.

Nattverd. Kyrkjeskyss.

NESHEIM Kveldsgudsteneste

m/Nattverd.

BERGSDALEN kl.11.00. S.p. Steinnes.

Nattverd.

April

1. - Langfredag.

STANGHELLE kl.18.00. S.p. Steinnes.

VAKSDAL kl.11.00. S.p. Steinnes.

Nattverd.

EKSINGEDELEN kl.11.00. R.k.

Nattverd.

3. - 1. Påskedag.

DALE kl.11.00. Høgtidsgudsteneste
v/S.p. Steinnes. Offer til N.M.S.
Kyrkjeskyss.

VAKSDAL kl.11.00. Høgtidsgudst
v/R.k. Sønnesyn.

NESHEIM kl.11.00. Gudsteneste.

LAVIKASTØLEN kl.12.00. Sportsgudst

BERGSDALEN Gudsteneste sjå oppslag.

4. - 2.Påskedag.

STAMNES kl.11.00. Høgtidsgudst
v/S.p. Steinnes. Kyrkjeskyss.
EIDSLANDET kl.11.00. Høgtidsgudst
v/R.k. Sønnesyn.

ker»



onstogene, mektige, de som holder
og opp på verdens skjebne i sine

Vaksdal Kyrkje

10. - 1.sundag etter påske

VAKSDAL kl.11.00. Jubileumsgudst
v/Prost Østtvæit.

17. - 2.sundag etter påske.

DALE kl.19.00. R.k. Sønnesyn.

Nattverd.

BERGSDALEN kl.11.00. R.k. Sønnesyn.

Nattverd. Offer til Misjonshøgsk

24. - 3.sundag etter påske.

STAMNES kl.18.00. Sp. Steinnes.

Nattverd.

NESHEIM kl.11.00. Sp. Steinnes.

Nattverd. Offer til M.F.

Kyrkjeblad for Vaksdal prestegjeld

Bladstyrarar: Per Einar Sønnesyn (ansv.) og Magne O. Steinnes. Medabeidarar: Skrivarane i sokneråda. Kasserar: Ragnar Trohjell, 5297 Gammersvik. Postgiro 5 72 34 73, bankgiro 3500.50.13117. Utgjevar: Sokneråda i Vaksdal.

Bladpengar kr. 25,00 (eller meir) for året.

Ekspedisjon og trykk og retur til: Øystese Trykkeri A/S, 5610 Øystese, tlf. (055) 55045.